



Broj: 02-05-1858/18  
Trnovo, 27.12.2019. godine

Na osnovu člana 70. Zakona o javnim nabavkama („Službeni glasnik BiH“, broj 39/14, postupajući u ponovnom postupku po rješenju Ureda za razmatranje žalbi broj JN2-01-07-1-2358-8/19 od 5.11.2019.godine, u postupku javne nabavke radova – Izgradnja objekata za vodosnadbjevanje, Općinski načelnik je d o n i o

### ODLUKU

#### **o izboru najpovoljnijeg ponuđača za nabavku radova – Izgradnja objekata za vodosnadbjevanje**

##### Član 1.

Postupajući u ponovnom postupku po Rješenju Ureda za razmatranje žalbi broj JN2-01-07-1-2358-8/19 od 5.11.2019.godine, ugovor za javnu nabavku radova **Izgradnja objekata za vodosnadbjevanje**, dodjeljuje se ponuđaču **Konzorcij: ITC Zenica d.o.o. Zmaja od bosne b.b. i Roco-commerce d.o.o. Livno, Podgradina b.b., ponuda broj 1400-1-43/18 od 01.8.2018. godine, za ponuđenu cijenu nakon održane e-aukcije u iznosu od 6.730.894,37 KM, bez PDV-a.**

##### Član 2.

Izabranom ponuđaču se dostavlja i nacrt Ugovora koji je sastavni dio ove Odluke. Obavezuje se izabrani ponuđač da parafira sve stranice nacrta Ugovora, kao saglasnost na isti te vrati ugovornom organu u roku od 7 dana od dana prijema ove Odluke. Parafirani nacrt ugovora će biti i konačni ugovor koji će se potpisati u skladu s članom 72. Zakona.

Nepostupanje po ovoj odredbi povlači ništavost ove Odluke.

##### Član 3.

Za izvršenje ove odluke zadužuje se i ovlašćuje nadležna služba Općine.

##### Član 4.

Ova odluka objavit će se na web-stranici [www.trnovo.ba](http://www.trnovo.ba), istovremeno s upućivanjem ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

##### Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

### Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-05-1858/18 od 24.5.2018. godine.

Javna nabavka je provedena putem otvorenog postupka sa međunarodnom objavom. Procijenjena vrijednost javne nabavke bez PDV-a je iznosila 6.837.606,80 KM.

Obavijest o nabavki broj: 886-1-3-40-3-39/18 na Portalu javnih nabavki objavljena dana 21.6.2018. godine.

Komisija za provođenje postupaka javnih nabavki dostavila je dana 20.8.2018. godine Zapisnik o pregledu i ocjeni ponuda i prijedlog Odluke o izboru najpovoljnijeg ponuđača: Konzorcij: Orman d.o.o. Sarajevo i MGBH d.o.o. Sarajevo. Ista odluka donešena na dan 23.8.2018. godine s pravom žalbe u roku od 10 dana od dana prijema iste.

Nakon izvršenog uvida od strane predstavnika drugorangiranog ponuđača, isti ulažu žalbu na Odluku o izboru koja je zaprimljena kod ovog organa dana 5.9.2018. godine. Skupa sa cjelokupnim spisom i izjašnjenjem ugovornog organa žalba je proslijeđena Uredu za razmatranje žalbi dana 5.9.2018. godine.

Ured za razmatranje žalbi donosi rješenje broj JN2-01-07-1-520-9/18 od 9.10.2018. godine kojim usvaja Žalbu drugorangiranog ponuđača, te predmet vraća ugovornom organu na ponovni postupak, te istim nalaže ugovornom organu da u ponovnom postupku postupi na način kako je obrazloženo njegovim rješenjem.

U skladu s uputama Ureda za razmatranje žalbi, Komisija za javne nabavke analizirala i prihvatila navode Ureda za razmatranje žalbi u pogledu ponude ponuđača Konzorcij: Orman d.o.o. Kiseljak, Žrtava domovinskog rata b.b. i MGBH d.o.o. Sarajevo, Lužansko polje 7., Ilidža, te isključila istog iz daljnjeg postupka javne nabavke.

U cilju ekonomičnog trošenja sredstava općine, Komise se ponovo upustila u pregled i ocjenu ponuda ponuđača Konzorcij: ITC Zenica d.o.o., Zmaja od bosne b.b. i Rocommerce d.o.o. Livno, Podgradina b.b. Prilikom ponovnog pregleda i ocjene uočila je određene nepravilnosti koje je detaljno izložila u Zapisniku o ponovnom pregledu i ocjeni ponuda broj 02-05-1858/18 od 26.10.2018. godine te dala preporuku da se postupak poništi iz razloga što nijedna ponuda nije prihvatljiva a u skladu sa članom 69. stav (2) tačka d) Zakona o javnim nabavkama.

Protiv naznačene odluke bila je dopuštena žalba u roku od 10 dana od dana prijema iste.

Žalba kod ovog organa zaprimljena dana 6.11.2018. godine. Postupajući po žalbi, Ured za razmatranje žalbi donosi rješenje broj JN2-01-07-1-681-7/18 od 12.12.2018. godine kojim usvaja žalbu Žalitelja ITC Zenica d.o.o. i predmet vraća ugovornom organu na ponovni postupak. Predmetno rješenje zaprimljeno kod ovog organa dana 25.12.2018. godine.

Postupajući u ponovnom postupku i pregledu ponuda, ovaj organ je donio Odluku o otkazivanju postupka javne nabavke. Protiv Odluke o otkazivanju postupka javne nabavke, ponuđač Konzorcij: ITC Zenica d.o.o., Zmaja od bosne b.b. i Rocommerce d.o.o. Livno, Podgradina b.b. ulaže žalbu. Postupajući po predmetnoj žalbi, Ured za razmatranje žalbi donosi rješenje JN2-01-07-1-242-9/19 od 6.3.2019. godine kojim usvaja žalbu žalitelja i predmet vraća na ponovni postupak.

Ugovorni organ je u ponovnom postupku ponovno ispitao mogućnost održivosti predmetnog postupka javne nabavke i ponovno donio Odluku o otkazu postupka javne nabavke broj 02-05-1858/18 od 15.5.2019. godine. Na predmetnu odluku uložena žalba. Postupajući po žalbi Ured za razmatranje žalbi donosi rješenje broj JN2-01-07-1-1355-7/19 od 19.6.2019. godine kojim usvaja žalbu, poništava Odluku o otkazu i predmet vraća na ponovni postupak.

Po zaprimljenom rješenju organ nije poduzimao radnje, pa je Ponuđač ponovno uložio žalbu zbog šutnje administracije. Postupajući po novoj žalbi, Ured za razmatranje žalbi donosi novo rješenje JN2-01-07-1-2358-8/19 od 5.11.2019.godine, kojim usvaja dostavljenu žalbu i ponovno predmet vraća ugovornom organu na ponovni postupak. Iz obrazloženja dostavljenog Rješenja Ureda između ostalog stoji da „U posljedici cjelokupnog utvrđivanja stanja stvar, nedostatka obrazloženja i na bazi izričitih normi

propisanih zakonskim i podzakonskim aktom, ovaj organ konstatuje da je ugovorni organ dužan postupiti po rješenju ovog organa i predmetni postupak okončati uz uvažavanje naloga koji su dati od strane ovog organa“.

Na osnovu naprijed navedenog, odlučeno je kao u dispozitivu Odluke.

**POUKA O PRAVNOM LIJEKU:**

Protiv ove odluke može ce izjaviti žalba u roku od deset dana od dana prijema iste. Žalba se izjavljuje Ugovornom organu u pismenoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koja ne može biti manji od tri.

Dostavljeno:

1. Ponuđaču;
2. Pravobranilaštvu općine Trnovo
2. U spis predmeta.



Općinski načelnik  
Ibro Berilo